



Marianne Paviassen Jensen
inatsisartut@ina.alla.gl

**Narsarsuaq pillugu siunissami pilersaarutit Narsarsuarmilu najugaqartut
akuutinneqarnerat pillugu § 37 naapertorlugu apeqquteqaammut 2025-236-mut
akissutit**

Ulloq: 23-01-2026
Suliap normua: 2025 -
27111
ID. nr.: 79597564

Asasara Inatsisartunut ilaasortaq, Mariane Paviassen Jensen

Inatsisartut suleriaasiat naapertorlugu Narsarsuaq pillugu siunissami pilersaarutit
Narsarsuarmilu najugaqartut pillugit § 37 naapertorlugu Naalakkersuisunut
apeqquteqarputit. Apeqqutitit uannit akisassanngorlugit innersuunneqarput.
Apeqqutigineqartut tullinnguuttuni ataasiakkaarlugit uteqqinneqarput akiortorneqarlutillu.

Postboks 909
3900 Nuuk
Oqa.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1: Naalakkersuisut suna pissutigalugu Narsarsuarmi innuttaasut
pisariaqartitsisut ornigullutik oqaloqatigalugillu tusarniarumangilaat?**

Akissut:

Narsarsuup siunissaa pillugu suleqatigiissitaq Kommune Kujallip akisussaaffigalugulu
aqutaraa allaffeqarfinniillu peqataaffigineqarluni. Suleqatigiissitap aaqqiissutissatut
oqallisaat siunnersuutaallu najukkamit aallaaveqarlutillu akisussaaffigineqarnissaat
aallaavigalugu taamatut aaqqiissuunneqarsimavoq.

Suleqatigiissitaq siusinnerusukkut Naalakkersuisunit toqqaannartumik
akuuffigineqarsimavoq ilaatigut Narsarsuarmi innuttaasunik ataatsimiitsitsisarnernut
atatillugu. Suliap killiffia aallaavigalugu innuttaasunik oqaloqatiginnittarnerit kommunimit
massakkut isumagineqarallarnissaat pissusissamisoornerpaatut isigineqarpoq,
taamaasiornikkut sulineq arlaanaannulluunniit pituttorsimanngitsumik aammalu pisortat
tassalu kommunip Namminersorlutik Oqartussallu pisussaaffii akisussaaffiilu
erseqqissumik inissillugit.

Tamatuma malisigisaanik Kommune Kujallip aaqqissugaanik 10. november 2025
innuttaanik ataatsimiititsineri Ineqarnermut, Attaveqaasersuutitut Isorliunerusunullu
Naalakkersuisoqarfik atorfilittanik peqataatitaqarpoq.

Atorfilittanik peqataatitsisarnikkut suliaq Naalakkersuisunit qanimut
malinnaaffigineqarpoq aammalu oqaloqatigeeqqittariaqarnissat
naalakkersuinikkulluunniit akuleruttariaqarsinnaanissat eqqarsaatigalugit qanimut
malinnaasorarluni.

Apeqquut 2: Naalakkersuisut paasisinnaanerpaat Narsarsuarmi innuttaasut Kommune Kujallermit tikinneqareeraluutik suli paasisutissanik suli amigaateqartutut misigisimanertik tunngaviutillugu Naalakkersuisunit tikinneqarnissartik kissaatigimassuk?

Akissut:

Naak Kommune Kujalleq innuttaasunik ataatsimiittisereeraluartoq Narsarsuarmi najugaqartut nunaqarfiup siunissaa pillugu nalorninerat Naalakkersuisut paasilluarsinnaavaat. Narsarsuup siunissaa pillugu suleqatigiissitaq suliarnik innuttaasunut 10. november 2025 ataatsimiitsinermi saqqummiussivoq.

Tassungali tunngatillugu erseqqissaatigineqassaaq suleqatigiissitaq suli sulimmat maannamullu inassuteqaatsinik angusanilluunniit saqqummiussisoqarnikuunngimmat.

Massakkut killiffiusoq eqqarsaatigalugu paasisutissanik amerlanerusunik pissarsinissamik politikerinillu peqataaffigineqartumik ataatsimeeqateqarnissamillu kissaateqartoqarsinnaanera Naalakkersuisut paasilluarsinnaavaat. Ilutigisaanilli kommuni aqutsisuliullugu sulineq ataqqineqartariaqarpoq suliassallu naammassillugit suliarineqarsinnaanissaat Naalakkersuisunit pingaartinneqarluni.

Apeqquut 3: Naalakkersuinikkut aalajangiisimaneq naapertorlugu mittafeqarfik Narsarsuaq atorunnaartussaavoq. Sunaana pissutigalugu nunaqarfiup allatut ineriartornissaata pilersarusiornissaa Naalakkersuisunit akisussaaffittut tigujumaneqarani Kommune Kujallermit aningaasarlioreeqisumut miloriunneqaannartoq?

Akissut:

Apeqquutinut 2-mut 4-mullu akissutit takukkit.

Apeqquut 4: Siunissami naalakkersuinikkut aalajagiisoqarnerata kingunerisaanik, nunaqarfiit, illoqarfiit nappataannik peersisoqaraanngat, naatsorsuutigisineqarsinnaava Naalakkersuisut aamma aalajangiinermik kingorna akisussaaffimmik tiggummillutik kommunip innuttaasuinnullu naapertuuttumik suliniuteqarfigineqarnissaannut tamakkiisumik suleqataasarnissaat?

Apeqquut 4 a: Ass. Ineriartorfissanik nutaanik ujaaseqataallutik?

Apeqquut 4b: Innuttaasut pisariaqartitaat naapertorlugit tikillugit suleqatigisarlugillu periarfissaanik paasitittarlugit?

Akissut:

Naalakkersuinikkut isummiussassat nunaqarfinnut illoqarfinnullu pingaarutillit akisussaassusilimmik akuutitsisumillu suliarineqartarnissaat Naalakkersuisut pingaartillugu erseqqissaatigissavaat. Suliut inuiaqatigiit aqqissugaanerit kalluaallutillu allanngortitsisussat innuttaasut eqqorneqartussat ataqqillugit ineriartortitsisinnaanissamullu periarfissanik nutaanik tikkuussinertalerlugit suliarineqartassapput.

Najukkamit aallaaveqartumik ineriartortitsinissamut periarfissat suussusersillugillu ersarissarneqarnissaat Narsarsuaq pillugu suleqatigiissitap pilersinnerani siunertaavoq. Suliassat najukkami atugassarititat immikkuullarissut, pisuussutit nassaasaasut najugaqartullu takorluugaat aallaavigalugit suliarineqassapput.

Suleqatigiissitaq Kommune Kujallermit aqunneqartoq ineriartortitsiffiusinnaasunik arlalinnik suliaqarpoq taamaasilluni aaqqiissutissatut aqutissat najugaqartut peqatigilluinnarlugit susassaqtullu oqaloqatigisarnersigut ineriartortinneqarsinnaassammata.

Ilutigalugu erseqqissaatigineqassaaq Qaqortup mittarfittaassaata atulerneratigut siunissaq ungasinnerusoq isigalugu nunap imikkoortuani ineriartortitsinernut, nuttarsinnaanissanut inuussutissarsiteqartunullu kujataa tamaat isigalugu iluaqutaasussatut naatsorsuutigineqarmat. Attaveqaasersuutini ineriartortitsinerit annertuut inuiaqatigiit siunissami ineriartornissaanut iluaqutissanngortarnissaat periarfissanillu nutaanik ammaassisarnissaat Naalakkersuisut anguniagaraat.

Naalakkersuisut Qaqortumi mittarfiup ammarnerata kingorna Narsarsuarmi suliat annertunerutinnarlugit periarfissanik assigiinngitsunik misissuipput, suliarlu taanna suli ingerlavoq. Tamatumunnga atatillugu Naalakkersuisut Inatsisartunit soqutigisaqartunillu attuumassutilinnit allanit, anguniakkanut matuma siuliani taaneqartunut taperseeqataasinnaasunit siunnersuutini isummersuutinillu tigusaqarnissamut ammapput.

Oqaloqatigiittarnissaq najuuttarnissarlugu eqqarsaatigalugit innuttaasut ataavartumik paasitinneqartarnissaat oqaloqatigineqartarnissaallu Naalakkersuisut isumaqatigaat pingaartumik pissutsinik nalorninartunik allanngorartunillu atugassaqaqartallartilluta. Taamaattumik Naalakkersuisut pingaartippaat massakkuugallartoq oqaloqatigiinnerit kommuuni aqutigalugu ingerlanneqarnissaat kingusinnerusukkullu oqaloqatigeeqqittariaqarnissat akuutitsinissallu pisariaqarneratigut ingerlanneqaaqqissinnaassajunnarsimmata.

Neriuppunga matuma qulaani apequtitit akineqarsimassasut.

Inussiarnersumik Inuulluaqqusillunga



Aqqaluq B. Egede